



SIPA U akciji "Gastarbajter" uhapšeno 10 lica



LJUBUSKI - Policijski službenici Državne agencije za istrage i zaštitu lišili su slobode ukupno 10 lica po okončanju aktivnosti u okviru akcije "Gastarbajter", izvedene na širem području Zapadnohercegovačkog kantona, saopšteno je iz SIPA.

U toku pretresa na nekoliko lokacija pronađeno je i privremeno oduzeto 14 mobitela, za koje postoji osnovana sumnja da su korišteni u telekomunikacijama prilikom krijumčarenja droge, jedan paket s oko 100 grama bijele praškaste materije koja svojim izgledom asocira na kokain i oko 17 grama bijele praškaste materije koja takođe podsjeća na kokain, a koja je podijeljena u manje pakete radi dalje prodaje, te puška M48 i 13 metaka.

Hapšenje je provedeno po naredbi Tužilaštva Zapadnohercegovačkog kantona zbog postojanja osnovna sumnje da su navedena lica počinila krivično djelo neovlaštena proizvodnja i stavljanje u promet opojnih droga.

Nakon kriminalističke obrade lica lišena slobode će biti predana postupajućem tužiocu Tužilaštva Zapadnohercegovačkog kantona. (Agencije)